

太上洞玄靈寶五符序卷下

夫天書煥妙 幽暢微著 至音希聲 陳而不煩 是以西吾之刃 雖十寸而割玉 流星之金 雖纖介而徹視 徒才大者用遍 有物細者用備 豈非 靈寶五符 其由是乎 聖人演天地之文 而敷言數萬 葩龍鳳之形 暢動物者百篇 發山林八會之跡 為日用之務 成淵分之名 草木和仙通神 悟性命之無期 以致營溉 必有倫乎 唯至道而貴其契 真人而仰其文矣 昔庖羲刊八象於玄石 畫甚亦少矣 至夏為 連山 殷為 歸藏 逮 周易 之興 猶未該其根 所以然者 卦有屯蒙困否 不通之象 明道妙者難著 理妙者叵尋 皇由經代紛紜 動數十萬言 況乎九天之靈書 三天之寶圖 上導太和元精之氣 下備群生始然之會 爾乃至寂之音 希解於世 故帝嚳祭天帝君於北阿之壇 藏於鐘山之峰 欲令眾庶有絕塵之歌耳 夏禹晚撰 其波未戢 其上真猶封于石碣 以待大劫 仙賢幽乎洞室 須期乃宣 靈符之妙 寔由高聖之所宗 上哲之所佩 真人之所貴 靈仙之讚味玄澹 而朗其采色 天神而校其對也 其服御日月星辰 八氣五元 身體草木之方 當是五符下流 通泗之

太上洞玄靈寶五符序卷下

清微藏書閣

沫耳 其天辭虛籥 非凡賢所聞 雖同載五符之中 故廢其龍跡 不顯大音矣 徒見而不知 亦何所言哉 聾者希聞黃鐘之響 盲者企睹白黑之津 奚有異於此耶 聖人雖不為其解高妙之意 然故自陳於本符之上 無損減也 鐘山真人告夏禹有言 陵昔聞之於東海小童 說云 但抱靈寶符入水赴淵 則北帝開路 蛟龍衛從 水精震怖 長生久視 永享天祚 執符入火 則陽光殄翳 南帝激電 助我驅穢熱毒 不加丹精凌邁 佩符登山 山精迸走 中黃太帝與我為輔 虎狼百禽莫敢當者 棲巖入穴 則土氣不障 祛邪伏死 魍魎逃鄉 以符向金 則五兵不傷 西帝真氣與我同床 全生萬年 飲于玉漿 背金對木 則長守介福 青帝靈氣來見沐浴 色反童孩 久視永樂 登嶽採芝 不化我目 八石正形 使時掇獲 迴天倒地 在心願欲也 太上真人之辭 東海小童使陵佩符而護之矣 靈寶上序及撰出服御之文 皆科斗古書 字不可解 子長並受集而顯出之 尋其波流 皆出乎五符之上也 子長受霍林仙人口訣 似韓眾也 是以子長說曰 朝日已西夕 違世來作鄰 同心合道好 走人乃飛仙 太白縱二心 下外以為根 登天飛虛空 此是吾師君

教我服三光 三光者 日月星也 又巨勝一名三光 樂子長受仙人法 以巨勝為主 故曰三光 授我靈祕文 靈寶五符者也 符者經也 清齋降五帝 萬年可常全 子長口訣 清齋三日 而致五方天帝 誠之盡矣 則真人必降 所嚮在於致敬 享年在乎念道也 丹青畫誓信 五八乃一宣 陵昔受之於東海小童 使裂南和之繒 五尺 當喻信而受之券 割碧林之帛五尺 當不漏泄之約 南和謂誹也 碧林謂青也 古人貴髮膚 故引珠玉以親之 尊四肢 迴絲帛以任之 崇道德保身神 此仙官之教矣 天文科法 四十年一傳之 五八者 是其數也 不得其年限而授之 玄都天令 已陳之於後生 慎之慎之 鴻鷺千歲羽 用茲致天真 鴻鷺者 駕也 其鳥壽千年 古人皆享之 以致天神也 一名駕鵝 一名天蓋 一名白鴻 若無此鳥者 鶴亦可用 鶴亦名鴻 俱壽千歲也 駕不殺生而惡蟲伏之 是其以性震邪也 老而聲清 是其神氣潔也 欲致天人 當以精鳥 方類相求 迴降必矣 此是子長之要言也 而其辭小隱 離合師名 陵徐而思之 其師名韓眾矣 其醮祝之儀 陳之于左 諸志道求生者 宜薄衣食 而致孝于天靈 苟誠之所竭 孰

太上洞玄靈寶五符序 卷下

清微藏書閣

云不得道乎 備為師帥 親驗其神 故復言情 將慎之焉 一座無常面 隨安處之 宜清齋三日 祭於靜室 若庭壇之間 行事於夜半 屏人於非所 請天官於脣齒言 受傳於丹心 爾乃先燔五會之香 看流芳所歸 氣正上者 中央黃帝先降 氣東流者 青帝先降 氣南流者 赤帝先降 氣西流者 白帝先降 氣北流者 黑帝先降 氣雜散合集 紛紜錯亂者 神女先到 使五火比肩 布列座前 調火齊香 詳視薰煙 如是靈光之焰 表乎燈燭 冥心之想 彰於通夢矣 若此真靈不能使至向獲仙 復朽骸於泉壤者 陵與子長 豈當以抱惡於雲漢中乎 但方寸不盡 求生不測 而望長延之對 以此希天真之報 亦復費其功夫 故為徒勞也 肥鳥一頭 酒隨多少 要令三斗以上 令得清醇美者 盛杯十枚 杯令潔好 棊三枚 其二枚各盛五杯 其一棊盛一杯 一棊令在五杯者 下流具五香火 相連於棊前 餘酒別樽盛著座前 隨杯處肉 餘肉別棊盛著座前 陳 靈寶五符 於座後 倒卷令髣拂其天書 抱朴子曰 登山 師受經後 欲佩身供養 受者設此醮也

南和丹繒裂五尺絳 於座後席上 符安其上 割碧林之帛五尺
青 於座後席上也 覆絳令符處丹青中間 以為效信 果物為隨豐
儉之宜 唯忌以五葷之菜 豬脂之肴 盛席一領 香令有五種 雜
和之 若於庭壇施祭 當四面安障 勿令當風 當風靈氣亂 設微
火 以蠟密蓋火氣上 勿令廣照 廣照靈氣散矣
盛服束帶 跽請 若山林中無大衣者 可闕之 下氣徐聲奉請
某年某月日 州縣鄉里男女生某甲 年若干歲 受道士某郡某
甲 太上靈寶五符文 依大道科法 奉請五帝君 請已清齋三日
宰鴻鷺之鳥 潔整身神 虛心伺迎上皇天尊 某身三魂七魄三宮真
人 上到九天之宮 五外之鄉 青牙之天 朱丹之天 太帝之山中
黃之天 明石之天 玄滋之天 八方之天 五帝真人之庭 具陳告
齋 暫降于某郡縣鄉里中 臨氣五符之真 歆微禮薄饌
言畢 再拜 向座而伏 良久乃起 又腮方 更請上神
奉請降

東方靈威仰蒼帝君 青牙九氣天君 太上真王 青腰玉女 東鄉諸
靈官

太上洞玄靈寶五符序 卷下

清微藏書閣

奉請降

南方赤飄弩赤帝君 朱丹三氣天君 元氣丈人 朱宮太丹玉女 南

鄉諸靈官

奉請降

中央含樞紐黃帝君 太帝真人 子丹黃庭戊己 天蒼玉女 中央諸

靈官

奉請降

西方曜魄寶白帝君 明石七氣天君 元氣大夫 太上白素玉女 西

鄉諸靈官

奉請降

北方隱侯局黑帝君 玄滋五氣天君 太上靈君 夜光玉女 北鄉諸

靈官

奉請降

文命夏禹帝君 五嶽靈山真人 江河四瀆靈官 地仙玉女 角里先

生諸仙官

請一帝到 輒一再拜 凡六再拜也 送帝亦如初請時 但除奉

請二字 改云上勞某帝 便再拜 迎送去來 都十二再拜 醮祀道
畢矣 請畢 上酒 更燒香 徐自陳曰 某以胎生 肉人枯骨 子
孫生長濁世 穢氣澆聚 積罪河海 抱咎深重 自有識以來 尊仰
大道 心希真氣 以自歡樂 而精神微薄 未能上暢 常守心念善
敢有違越 特恐絲髮之進 懼隕墜九泉 天願幸會 奉見靈寶文
真書浩大 祕藏玄臺 是以不敢輕執竊佩 以虧真科 即日修齋
告祭於五帝 諸君丈人 以定神契丹青之信 當喻誓之券 為效
為信 約不漏泄 天親地愛 傳出五八 無中宣授 明於科法 某
志遁山林 不願榮華 佩符登山 當令某所向無前 金破石開 採
藥不得隱匿 縱天橫地 從心所欲 山精頓伏 虎狼逃竄 令使役
鬼神 長生久視 靈氣衛護 祛邪亡命 疫螫不彰 魍魎遠迸 如
是受上天之佑 靈氣之助 神長守身 令三尸消去 太帝流恩 眾
庶不勝洪濟之施 又上酒 若自宜有所啟 隨意陳之 此文是其旨
略耳 然香送神
勞盛山上刻石作文
仙人樂子長作 吳王夫差寫取

太上洞玄靈寶五符序卷下

清微藏書閣

玄流鼓絳波	琨碧映琅山	朝日控晨輝	蒼豔何蜿蜒
遊雲落太陽	颯景陵三天	靈寶曜九虛	幽朗鐘山間
夏禹登八窗	散氣響金蘭	因枝振玉條	緣波討洪源
扶質立靈榦	垂葉以結繁	眇邈龍鳳跡	煥爛九天翰
仰挹三晨精	保身永長安	俯漱五華液	還復反童顏
騰神溫涼宮	豈知熱與寒	千秋似清旦	萬歲猶日半
鼓翼空洞上	要我靈寶官	紛紛五帝駕	俱會景漢端
相問飢與渴	玄泉饒流丹	求仙方寸內	八遐無易難
顧聞朱門晁	當塗中有歎	勒銘勞巖陰	穴岫可稽磐
東方青帝符	靈寶九氣天文	化生赤帝氣	



入山咒曰

臨兵鬥者 皆陳列前行 九字耳 常祕咒 無所不辟
春月不入東嶽及山 隨月並類然 慎之

九天靈書三天真寶

夏禹撰為靈寶文 一通藏石碯中 一通幽洞室中
夏禹受鐘山真人 入山水之日 當以保日及義日 專日 大吉
易得道 以制日 伐日入山 必死 又欲得六癸之日 六癸之時
一名天心 一名天同 必得度世 保者 支干上生下之日 甲午
乙巳是也 義日 支干下生上之日 壬申 癸酉日是也 制日
支干上剋下之日 戊子 己亥是也 伐日 支干下剋上之日 甲申
乙酉日是也 制日可施符召鬼耳 取六癸日六癸時 皆當令和順
也 以類求之口訣矣 靈寶入山 以甲子開除日 以所授委繒 參
之五色綵 各五寸 懸於名山大石上 所求必得度世也 入山當以
三月七日吉

東方靈寶符命

夏禹敷東文 出南帝書



太上洞玄靈寶五符序卷下

清微藏書閣


南方靈寶符命

夏禹敷南文 出戊己黃帝書



中央戊己靈寶符命

夏禹敷中文 出白帝書



西方靈寶符命

夏禹敷西文 出北帝書



北方靈寶符命

夏禹敷北文 出青帝書



九天王長安飛符

道人佩之 以履陽九 百六 千毒不加身 昔夏禹藏之於石磧
以傳理水傅伯長桑 甲子李廓光馬平石山



大劫至 佩其前



小劫會 佩其後

三天太上伏蛟龍虎豹山精文

名之曰八威策

道士入山 帶此書於肘後 百禽精獸徒從人行在左右 執此書
於手中 則百禽山精毒獸卻走千里

太上洞玄靈寶五符序 卷下

清微藏書閣



九天太玄陽生符

老君受之於太上丈人 丹書白素 方五寸 清齋百日 入室
而吞之 使人無死 延年長存 濁氣於口 即符出而死矣 一名真
券 一名八龍書

原缺符

三天太玄陽生符

男子吞之 法與上同 道士欲尸解者 神筆書草木刀金 即代
為人形而死去矣



三天太玄陰生符

女人吞之 法與上同 道士欲尸解者 神筆書草木刀金 即代
為人形而死去矣

今猶未去矣 子可問之 又乃到峨嵋山 清齋三月 得與皇人相見 皇人者 不知何世人也 身長九尺 玄毛被體 皆長尺餘 髮則長數寸 其居乃在山北絕巖之下 中以蒼玉為屋 黃金為床 張華羅之幃 然千和之香 侍者皆是眾仙玉女 坐賓三人 皆稱太清仙王 方見皇人 設肴盈升之棗 飯以丹華之英 雜麟脯鳳腊於其間 漱朱宮玉井之靈漿 黃帝匍匐既到 再拜稽首而立 皇人問子欲奚求 黃帝蹠曰 願得長生 皇人曰 子既君四海 復欲不死 不亦貪乎 帝蹠曰 萬兆無主 則相凌暴 今為制法 足以傳後私心好道 遠涉四海 幸過遇道君 願垂哀告 竊見真人食精之經 徒省其文而弗綜其意 看其辭而不釋其事 乞得請教 皇人大驚 拊髀長歎 良久乃答曰 汝安得聞見此乎 此書乃生錄之首篇 上天之靈符 太上之寶文矣 白日升天 飛步虛空 身生水火變化無常 其天仙之真 唯有龍胎金液九轉之丹 守形絕粒 辟除萬邪 使役鬼神 長生久視 爾乃血脈流宣 腸化為筋 百災不能傷 延期至億千 則唯有真一食五芽天文 此二事但使南斗君領錄 參於大帝鍵籥 自非仙人 四十年一出之 約皆不得背科而妄泄

太上洞玄靈寶五符序 卷下

清微藏書閣

也 又西王母安此書著五城之內 其外衛備有仙樓十二 藏以紫玉之匱 刻以黃金之札 封以丹光芝草 印以太上中章 其無仙籍者 不得聞知也 子未可聽天音於地上矣 便可去邪 黃帝稽首答曰 昔以受神丹於玄女 未及合作 唯未受五芽食真 解真經之意耳 幸今遭會 得見道君 既不授以生道 是臣相命不得度世耳 如未哀者 復用暫生何為乎 惟乞愍濟元元之心 因叩頭流涕 腦破腸絕 於地良久 皇人下床接之 乃惺告之曰 子所謂真得道者也 又太清仙王三人 見帝勤心之至 愍助之 因告皇人曰 此人先世祖曾遭飢困 不自飽口 割所食之饌 以糧窮餓百鳥 力作以救禽獸 嗇役以贍蠢動 如此四十年 仁德感天 功蓋萬物 太上書其美 九天戢其世 故今芳氣之流光于帝位 德乃數代 仁歸賓服 此人先立善乃爾 何為隱真芽之經乎 又亦是其勤求願會 得見吾耳 卿可教而成之也 皇人慨然曰 子宿世之善乃爾 吾何惜乎 可復坐 將告汝要道矣 帝就坐 皇人先為設廚醴之饌 徐告曰 汝向所道真經 言所不解者 蓋上天之所氣 歸此一身耳 一身分明 便可長生也 夫人是有生最靈者也 但人不能自知 不能守

神以御眾惡耳 知之者則不求佑於天神 止於其身則足矣 故云
一人之身 一國之象 胸腹之位 猶宮室也 四肢之列 猶郊境也
骨節之分 猶百官 神猶君也 血猶臣也 氣猶民也 故知治身
則知治國矣 夫愛其民 所以安其國 吝其氣 所以全其身 民散
則國亡 氣竭則身死 亡者不可存 死者不可生 是以至人消未起
之患 治未病之疾 醫之於無事之前 不追之既逝之后 民難養而
易濁 故審威德所以保其理 割嗜欲所以固血氣 然後真一存焉
三一守焉 身壯之焉 年壽遐焉 泥丸 絳宮 丹田 是三一之真
焉 令子守之 則萬毒千邪不敢傷矣 漱華池 食五芽 而不休者
便成仙人矣 吾先師正受此方於九天真王 令書以相授也 存之
於口 名曰朱鳥丹 取之於身 名曰真一 此其天寶書文也 向旦
密呪曰

東方青芽 服食青芽 飲以朝華 已呪 舌料上齒之表 舐脣

漱口 滿而嚥之三 次呪曰 南方朱丹 服食朱丹 飲以丹池 已呪 舌料下齒表 舐脣漱
口 嚥之三

太上洞玄靈寶五符序 卷下

清微藏書閣

次呪曰

中央戊己 昂昂泰山 服食精氣 飲以醴泉 已呪 舌刺舌上

玄 膺取玉泉 舐脣嚥之三 次呪曰 西方明石 服食明石 飲以靈液 已呪 以舌料齒上 舐脣嚥

之三 輒一叩齒七下 都畢 又叩五下 合三十六下也 次呪曰 北方玄滋 服食玄滋 飲以玉飴 已呪 以舌料舌下 舐脣嚥

之三 畢 因以鼻內氣極而徐放之 令過五以上 真道畢矣 三仙王又告帝曰 吾昔食此法得仙 先師令益口中中央醴泉下

咒曰 白石巖巖以次行 源泉涌洞以至漿 飲之長生 壽命益長 凡二十二言 汝可為之 子能經目為之 食真一不休 吞華池不息

內氣長閉不倦者 即得道而絕粒矣 不復移月而成也 夫玄古之 人 所以壽考者 造有之間 不食穀也 大有音曰 五穀是剗命之

鑿 腐鼻五藏 致命促縮 此糧入口 無希久壽 汝欲不死 腸中 無滓 汝欲長生 當令藏氣潔清 挹身華漿 與天相迎 玉水在口

天人同壽也 黃帝受教畢 乃贈皇人以所有 流俗棗脯清廚之酒 誓以不傳 畫一而辭

誓以不傳 畫一而辭

夏禹曰 子知真一之丹 萬事延 知一者 無一之不知也 不
知一者 無一能知 一者至貴 無偶之號 道起於一 數靡不由一
天得一以清 神得一以靈 地得一以寧 人得一以生 金沈羽浮
山峙川流 視之不見 聽之不聞 存之則在 忽之則亡 順之則
吉 逆之則凶 寶之遐祚罔極 泄之命凋氣亡 惚兮恍兮 其中有
象 恍兮惚兮 其中有物 此一之謂也 必欲長生 三一當明 思
一至飢 一與之糧 思一至渴 一與之漿 古人貴此真一之道 祕
口藏文 一能成陰生陽 推行寒暑 春得以茂 夏得以長 秋得以
收 冬得以藏 其大不可以六合隱 其小不可以毫芒比也 百姓日
用而不知也 夫不施不寫 一安其所 不遲不疾 一安其室 能暇
能豫 一乃不去 存一至勤 一能通神 少飲約食 一乃留息 臨
危不疑 一為除災 天禍在前 思一得生 知一不難 難在於終
知真不為 與不知同 求之不已 登彼九皇 陸辟猛獸 及與毒蟲
水卻魍魎 及與蛟龍 無物不卻 無邪不中 守真則在 泄精則
亡 食氣萬歲 常有少容 又告曰 人能存一 一亦存人 所以白
刃無所揣其銳 百害無所容其凶 人敗已成 在危猶安 靈寶之真

太上洞玄靈寶五符序卷下

清微藏書閣

豈虛誑於道士哉 上聖玄音 豈有不信於蒼生乎 蓋求之者麤耳
將來深根 其牆戶矣

太上洞玄靈寶五符序卷下竟

天運壬辰年辰月正一天師清微弟子洪鼎堅羅大英恭錄彙編

童丹複校